

修訂日期: 2004/10/21 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 20, No. 1146

原始資料: 蕭鎮國大德提供, 北美某大德提供

No. 1146

大虛空藏菩薩念誦法

開府儀同三司特進試鴻臚卿肅國公食邑三千戶賜紫贈司空謚大鑒正號大廣智
大興善寺三藏沙門不空奉 詔譯

我今依瑜伽金剛頂經。說寶部虛空藏菩薩真言教法。為愍念在家山家。薄福少德。乏少資具者。所求世間出世間勝願多不遂意。若依此教法修行。業報等障皆悉消除。福德增長心神適悅。淨信大乘利樂有情。心無退轉。世出世間所有財寶悉皆獲得。於一切眾生能作利益。一稱一念所得福聚尚猶虛空。何況作意如法修行。所願必獲殊勝成就。行者先應入灌頂道場。親對師前受得儀軌。或於山間靜處。或於寺舍隨所樂處。建立精室作一方壇。隨其大小。以瞿摩夷塗地。作八曼茶羅。周匝懸幡。上安天蓋。於壇西面安虛空藏菩薩像。持誦者壇東對像念誦。以種種時華散於壇上。燒香燈明飲食菓子。隨力所辦以為供養。每入道場。對尊像前五體投地。禮一切如來及諸聖眾。即懺悔隨喜勸請發願已。然後結跏趺坐。或半跏隨意而坐端身正念。當以塗香用塗二手。虛心合掌如未敷蓮華。誦清淨真言三遍或七遍頂上散印。則三業清淨以成勝義澡浴。淨三業真言曰。

唵舜(入)第耨戌(引)馱曩(引)耶娑囉(二合引)賀(引)

次結佛部心三昧耶印。

以止觀十度。內相叉作拳。以禪智並豎。結印成已。觀想諸佛遍滿虛空。即誦佛部心真言三遍。頂上散印真言曰。

唵爾曩爾迦(半音)娑囉(二合引)賀(引)

次結蓮華部心三昧耶印。

準前佛部心印。智度屈入掌。直豎禪度。結此契已。想於一切如來右邊。有觀自在菩薩并諸眷屬。印誦蓮華部心真言三遍。頂上右散印真言曰。

唵阿(去引)噠(引)力迦(半音)娑囉(二合引)賀(引)

次結金剛部心三昧耶印。

准前佛部心印。以禪度屈入掌。直豎智度。想於一切如來左邊。有金剛手菩薩并諸眷屬。即誦金剛部心真言三遍。頂左散印真言曰。

唵囉日囉(二合)地力(二合)迦(半音)娑囉(二合引)賀

次結被甲護身印。

以觀羽禪度橫於掌內。以進忍戒檀四度。握拳結此契成印身五處所謂印額右肩左肩心喉。是名五處護身真言曰。

唵步(引)入嚩(二合)羅吽(引)

由結此印加持五處。即成被金剛光焰堅固甲冑。一切諸魔不能障難。所持真言速得成就。

次結請虛空藏菩薩印。

二羽金剛縛。直豎忍願。反疊如寶形。進力各屈如鉤。想於壇中有寶樓閣。於樓閣內有八葉開敷蓮華。誦真言四遍。以進力向身招之。本尊并及眷屬皆來集會。迎請真言曰。

唵薩嚩怛他(去)謾多(引)毘囉(引)迦嚩日囉(二合)

囉怛囊(二合)薩嚩(引)舍(引)

跋哩布囉迦弱吽鑲斛(引)怛囉(二合引)

次結軍吒利身印。

以檀慧右押左。相叉入掌。以戒方並押交上。以禪智並押戒方。以忍願直豎頭相拄。進力屈如鉤。作三股杵形。即誦軍吒利真言。隨誦以印。左旋三匝辟除一切諸魔。右轉三匝便成結界真言曰。

曩謨囉怛囊(二合)怛囉(二合)夜(引)耶娜莫室戰(二合)擎摩賀嚩日囉(二合)矩嚕(二合引)
駛(引)耶唵戶魯戶魯底瑟咤(二合)底瑟咤(二合)滿駛滿駛賀囊賀囊阿密哩(二合)帝吽發吒娑
嚩(二合引)

賀(引)

次獻遏伽水。

行者常於壇上。近膝置二淨器。滿盛香水以為遏伽。初迎請時獻右邊者。後奉送時獻左邊者。每奉獻時二羽捧遏伽器。當額奉獻。即誦真言想浴本尊及諸聖眾真言曰。

唵嚩日囉(二合)娜迦吽

次結獻蓮華座印。

以二羽虛心合掌。以檀慧禪智各頭相著。餘中間六度微屈。頭相離猶如開敷蓮華葉形真言曰。

唵迦麼攏娑嚩(二合)賀(引)

由結此印真言加持。一切聖眾并及本尊。皆得七寶蓮華為座。

次結大虛空藏普通供養印。

以二羽合掌。以戒方二度外縛。以進力反疊如寶形。結成契已。誦真言四遍。普供養真言曰。

唵誦誦曩三(去)

婆(去)囉(引)囉日囉(二合)斛(引)

想從印出生無量種種供養香花燈燭塗香飲食寶幢幡蓋。即於本尊及一切聖眾前。則成就真實廣大供養。

次結羯磨印。

以止羽當心仰掌。以智力相捻。反屈力度如寶形。以觀羽仰掌。向前作施願勢結此契已作是思惟。我身即同虛空藏菩薩即誦羯磨真言曰。

唵囉日囉(二合)囉怛弩(二合引鼻聲)憾

由作此觀加持故。行者自身即等同本尊虛空藏菩薩。

次結三昧耶印。

以二羽金剛縛。進力反蹙如寶形。禪智並豎置於當心。即誦三昧耶真言七遍真言曰。

唵囉日囉(二合)囉怛曩(二合)吽

即取水精念珠安於掌中。合掌當心。誦加持念珠真言三遍真言曰。

唵尾噓(引)左曩麼擇娑囉(二合)賀(引)

則捧珠安於頂上。發是願言。十方世界所有修真言行者。彼所受持一切真言。願速成就。即止羽承珠。觀羽當心。移珠不緩不急。心離散亂。或千或百限數畢已。捧珠頂戴又發是願。一切有情所希望。世出世間殊勝果報。以我念誦福力。速令成就。即安珠於本處。復結本尊三昧耶印。誦三昧耶真言七遍。頂上散印。又結普供養印誦普通供養真言七遍。頂上散印誦虛空藏菩薩讚歎曰。

囉日囉(二合)囉怛曩(二合)素(上)

囉日囉(二合)囉他(二合一)囉日囉(二合引)迦(引)

捨摩賀(引)麼柅(二)

阿(去引)迦(引)捨[十/(阿-可+辛)/木]婆(去)囉日囉(二合)茶(駄夜反三)

囉日囉(二合)[十/(阿-可+辛)/木]婆(去)曩謨(引)

窣堵(二合)帝(四)

誦讚歎已。即取左邊闕伽。當額奉獻。即結前軍吒利印。左旋一匝解界。次結三昧耶印。奉送一切聖眾。奉送真言曰。

唵囉日囉(二合)囉怛曩(二合)穆

舉印安頂上。誦真言七遍。即成奉送一切聖眾。復結三部心三昧耶各誦三遍。次結護身印。如前印於五處。即禮佛發願隨意出道場。轉讀大乘印佛印塔。廣行檀施常須饒益一切有情。

大虛空藏菩薩念誦法